



Broj: 16-12-16-5172-4/23

I. Sarajevo, 07.07.2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14 i 59/22), na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-5172/23 od 05.07.2023. godine, u postupku javne nabavke specijaliziranih službenih vozila za potrebe Državne agencije za istrage i zaštitu, direktor Državne agencije za istrage i zaštitu, d o n o s i

O D L U K U

o izboru najpovoljnijeg ponuđača u postupku javne nabavke specijaliziranih službenih vozila za potrebe Državne agencije za istrage i zaštitu

Član 1.

U postupku javne nabavke specijaliziranih službenih vozila za potrebe Državne agencije za istrage i zaštitu (daljem tekstu: Agencija), putem otvorenog postupaka za dostavljanje ponuda, na preporuku Komisije za nabavke za potrebe Agencije u 2023. godini broj 16-12-16-5172/23 od 05.07.2023. godine, ugovor se dodjeljuje ponuđaču „M.R.M.“ export-import d.o.o. Ljubuški, ponuda broj 16-12-16-5172-4/23 od 03.07.2023. godine, za ponudenu cijenu u iznosu od 222.218,80 KM bez uračunatog PDV-a.

Član 2.

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-5172-1/23 od 07.06.2023. godine pokrenut je postupak javne dva specijalizovana službena vozila za potrebe Agencije, procijenjene vrijednosti 222.222,00 KM bez uračunatog PDV-a, za koji je obavještenje o javnoj nabavci broj 1161-1-1-111-3-31/23 od 08.06.2023. godine objavljeno na Portalu javnih nabavki i u „Službenom glasniku BiH“, broj 43/23. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Zakona o budžetu institucija Bosne i

Hercegovine i međunarodnih obaveza Bosne i Hercegovine za 2023. godinu („Službeni glasnik BiH“, broj 22/23). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 24. Tenderske dokumentacije navedeno da je rok za dostavljanje ponuda 04.07.2023. godine do 12,00 sati, te da se ponude dostavljaju u zatvorenoj koverti, Komisija je dana 04.07.2023. godine u 13,00 sati izvršila javno otvaranje ponuda, te konstatovala da je blagovremeno dostavljena jedna ponuda i to:

R/B	Naziv ponuđača	Ponudena cijena bez uračunatog PDV-a
1.	„M.R.M.“ export-import d.o.o. Ljubuški	222.218,80 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponude i isti dan dostavila ponuđaču. Postupak je dalje nastavljen u smislu pregledanja dokumentacije priložene uz ponudu u cilju ocjenjivanja ponuđača, te njegove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuda ponuđača „M.R.M.“ export-import d.o.o. Ljubuški ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, tehničke i profesionalne sposobnosti, kao i formalno-pravne uslove iz Tenderske dokumentacije.

Obzirom da je dostavljena jedna prihvatljiva ponuda, Komisija nije zakazivala e-aukciju u skladu sa članom 3. stav (3) Pravilnika, već je navedeni postupak javne nabavke okončala u skladu sa članom 69. Zakona, primjenjujući kriterij najniže cijene tehnički zadovoljavajuće ponude iz tačke 19. Tenderske dokumentacije, nakon čega je sačinila rang listu ocijenjene ponude, kako slijedi:

R/B	Naziv ponuđača	Ponudena cijena bez uračunatog PDV-a
1.	„M.R.M.“ export-import d.o.o. Ljubuški	222.218,80 KM

Nakon provedenog postupka ocjenjivanja, Komisija je utvrdila da je ponuda ponuđača „M.R.M.“ export-import d.o.o. Ljubuški ocijenjena kao najpovoljnija ponuda, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke specijaliziranih službenih vozila za potrebe Agencije dodijeli ponuđaču „M.R.M.“ export-import d.o.o. Ljubuški, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđaču;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE
Darko Čulum